



大般涅槃經卷上

東晉平陽沙門釋法顯譯

如是我聞一時佛在毗耶離大林中重閣講堂與大比丘衆千二百五十人俱亦時世尊而與阿難於晨朝時著衣持鉢入城乞食還歸所止食竟洗漱收攝衣鉢告阿難言汝可取我居師壇來吾今當往遮波羅支提入定思惟作此言已即與阿難俱往彼處既至彼處阿難即便數居師壇於是世尊結跏趺坐寂然思惟阿難亦時去佛不遠亦於別處端坐入定世尊須臾從定而覺告阿難言此毗耶離優陀延支提羅曇支提菴羅支提多子支提婆羅支提遮波羅支提此等支提甚可愛樂阿難四神足人尚能住壽滿於一切若減一切如來今者有大神力豈當不能住壽一切若減一切亦時世尊既開如是可請之門以語阿難阿難默然而不覺知世尊乃至慈愍三說阿難茫然猶不解悟不請如來住壽一切若減一切利

○大般涅槃經

益世間諸天人民所以者何其為魔王所迷惑故亦時世尊三說此語猶見阿難心不開悟即便默然

亦時魔王來至佛所而白佛言世尊今者宜般涅槃善逝今者宜般涅槃所以者何我於往昔在尸連禪河側勸請世尊入般涅槃世尊亦時而見答言我四部衆比丘比丘尼優婆塞優婆夷猶未具足又未降伏諸餘外道所以未應入般涅槃世尊今者四部之衆無不具足又已降伏諸餘外道所為之事皆悉已畢今者宜應入般涅槃于時魔王如是三請如來即便答言善哉我於往昔在尸連禪河側已自許汝以四部衆未具足故所以至今今已具足却後三月當般涅槃是時魔王聞佛此語歡喜踊躍還歸天宮

亦時世尊即便捨壽而以神力住命三月是時大地十八相動天鼓自鳴以佛力故空中唱言如來不久當般涅槃諸天人衆忽聞此聲心大悲懷遍體血現是時世尊即於彼處而說

大般涅槃經卷上 第三

偈言

一切諸衆生皆隨有生死我今亦生死而不隨於有一切造作行我今欲棄捨亦時世尊說此偈已默然而住是時阿難見大地動心大驚怖而自念言今者何故忽有是相如此之事非為小緣我今當往諮問世尊作此念已即從座起到於佛前頭面禮足白言世尊我向於彼別處思惟忽見大地十八相動又聞空中天鼓之聲心大怖懼不知此相是何因緣佛言阿難大地震動有八因緣一者大地依於水住又此大水依風輪住又此風輪依虛空住空中有時猛風大起吹彼風輪風輪既動彼水亦動彼水既動大地乃動二者比丘比丘尼優婆塞優婆夷有修神通始成就者欲自試驗故大地動三者菩薩在兜率天將欲來下降神母胎故大地動四者菩薩初生從右脅出故大地動五者菩薩捨於王宮出家學道成一切種智故大地動六者如來成道始為人天轉妙法輪故大地動七者如來捨壽

大般涅槃經卷上 第三

第三五冊

四七三

以神通力住命而住故大地動八者如來般涅槃時故大地動阿難當知地動因緣有此八事阿難有八部衆一者刹利二者婆羅門三者長者居士四者沙門五者四天三六者初利天七者魔王八者梵王此八部衆我觀其相應得度者隨所現形而爲說法彼亦不知是我所說阿難有八勝處一者內有色想外觀色少境界二者內有色想外觀色無量境界三者內無色想外觀色少境界四者內無色想外觀色無量境界五者觀一切色青六者觀一切色黃七者觀一切色赤八者觀一切色白此是行者上勝之法復次阿難有八解脫一者內有色想外觀色二者內無色想外觀色不淨思惟三者淨解脫四者空處解脫五者識處解脫六者無所有處解脫七者非想非非想處解脫八者滅盡定解脫此亦復是行者勝法若能究竟此等法者即於諸法自在無礙阿難知不我於往昔初成道時度優樓頻螺迦葉在尼連禪河側余時

大般涅槃經卷上 第四品

寃王來至我所而請我言世尊今者宜般涅槃喜遊今者宜般涅槃何以故所應度者皆悉解脫今者正是般涅槃時如是三請我即答言今者未是般涅槃時所以者何我四部衆未具足故所應度者皆未究竟諸外道衆又未降伏如是三言魔王聞已心懷忿憤即還天宮向者又未而請我言世尊今者宜般涅槃喜遊今者宜般涅槃所以者何我於往昔在尼連禪河側勸請世尊而般涅槃世尊余時即答我言我四部衆比丘比丘尼居士優婆塞優婆夷猶未具足又未降伏諸餘外道是以未應入般涅槃世尊今者四部之衆無不見足又已降伏諸餘外道所爲之事皆悉已畢今者宜應入般涅槃魔王乃至如是三請我即答言我於往昔在尼連禪河側已自許汝以四部衆未具足故所以至今今已具足却後三月當般涅槃魔王聞我作此語已歡喜踊躍還歸天宮我既於此受魔請已即便捨壽住命三月以是因緣大地震動余時

大般涅槃經卷上 第五品

何難聞佛此語心大悲懷過體血現涕泣流淚而白佛言唯願世尊哀愍我等住壽一劫若減一劫利益世間諸天人民如是三請余時世尊告阿難言汝今非是請如來時所以者何我已許魔却後三月當般涅槃汝今云何而請住耶阿難汝待我來頗曾聞我說二言不阿難白佛實不曾聞天人之師有二言也我於往昔曾聞世尊爲四部衆而說法言四神足人則能住壽滿足一劫若減一劫况復如來無量神力自在之王今更不能住壽一劫若減一劫而便捨壽住命三月唯願世尊哀愍我等住壽一劫若減一劫余時世尊答阿難言我今所以便捨壽者正由汝故所以者何我前於此向汝說言四神足人尚能住壽滿足一劫若減一劫如來今者有大神力豈當不能住壽一劫若減一劫乃至如是慇懃三說開勸請門而汝默然曾不請我住壽一劫若減一劫是故我今住命三月汝今云何方請我住余時阿難聞佛此語決定

大般涅槃經卷上 第六品

知佛入般涅槃不可勸請心生苦痛
悶絕懊惱泣涕流連不能自勝今時
世尊既見阿難生大苦懷而以梵音
安慰之言阿難汝今勿生憂悲有為
之法皆悉如是一切合會無不別離
世尊即便而說偈言

一切有為法皆悉歸無常思愛和合者
必歸於別離諸行法如是不應生憂懷
於是阿難流淚而言天人之師無上
大尊不久應當入般涅槃我今云何
而不憂懷即便拍頭高聲唱言嗚呼
苦哉世間眼滅衆生不久失於慈父
今時世尊又告阿難汝今不應生於
憂懷設住一劫若減一劫會亦當滅
有為之法性相如是汝勿於我獨生
苦也我今欲還重閣講堂汝可取我
屣師壇來於是世尊即與阿難俱共
還歸重閣講堂

今時世尊告阿難言汝今可語此大
林中重閣講堂諸比丘衆皆悉令往
大集講堂阿難奉勅即便著語諸比
丘衆世尊皆令往大集堂比丘集已
阿難自佛諸比丘衆悉皆已集唯願

大般涅槃經卷上 第七經

如來自知其時今時如來從重閣講
堂往大集堂敷座而坐告諸比丘我
昔為汝所說諸法常思惟之誦習勿
廢淨修梵行護持禁戒福利世間諸
天人民諸比丘我昔為汝說何等法
汝思惟之勿生懈怠三十七道品法
所謂四念處四正勤四如意足五根
五力七覺支八聖道分汝應修習精
勤思惟此法能令到解脫處復次比
丘一切諸法皆悉無常身命危脆猶
如驚電汝等不應生於放逸汝等當
知如來不久却後三月當般涅槃今
時世尊即說偈言

我欲棄捐此朽故之老身今已捨於壽
住命留三月所應化度者皆悉已畢竟
是故我不久當入般涅槃我所說諸法
則是汝等師頂戴加守護修習勿廢忘
汝等勤精進如我在無異生死甚危脆
身命悉無常常求於解脫勿造放逸行
正念清淨觀善護持禁戒定意端思惟
攝情於外境若能如此者是則護正法
自到解脫處利益諸天人
今時諸比丘聞佛此語心大苦痛涕

大般涅槃經卷上 第八經

泣交流遍體血現迷悶懊惱而自佛
言世尊唯願住壽勿般涅槃利益衆
生增長人天唯願住壽勿般涅槃開
諸衆生智慧之眼一切衆生墮於黑
暗唯願如來為作明照一切衆生皆
悉漂浸生死大海唯願如來為作舟
航牽手拍頭捉臂大叫嗚呼苦哉如
來不久當般涅槃一切衆生何所歸
依今時世尊告諸比丘一切諸法皆
悉無常思愛合會無不別離汝等不
應請我住世何以故今者非是勸請
我時向為汝等略說法要當善奉持
如我無異日既晚暮世尊即與阿難
俱共還歸重閣講堂今時世尊既至
明旦著衣持鉢而與阿難入城乞食
既得食已即便還歸重閣講堂食訖
澡漱與諸比丘往乳荼村路經毗耶
離城世尊迴頭向城而笑阿難即便
回頭札足而問佛言無上大尊非無
因緣而含笑也佛即答言阿難我今
所以向城笑者正為最後見此城故
當於如來說此言時虛空之中無雲
而雨於是阿難復自佛言世尊甚為

大般涅槃經卷上 第九經

奇特虛空清淨無有氣翳忽然而降
如此密雨佛告阿難汝知之不虛空
諸天聞我說言寂後見於毗耶離城
心大懊懷悲感涕泣此是天淚非為
雨也介時阿難及諸比丘聞佛此語
心復悲懷悶絕躡地而白佛言今者
天人極大苦痛世尊云何而欲委捨
般涅槃耶介時如來即以梵音而安
慰之汝等不應生於憂苦諸比丘言
世尊今者寂後見於毗耶離城不久
便當入般涅槃我等云何而不憂苦
如是展轉人人相告乃至聲徹諸離
車等時諸離車聞此語已心懷悲懷
遍體血現舉手拍頭掣臂大叫嗚呼
苦哉世間眼滅衆生於今無所歸依
互相語言我等今者應往佛所勸請
世尊住毗耶離住壽一劫若減一劫
利益世間諸天人民即便嚴駕疾往
佛所既出城門遥觀如來又見阿難
及諸比丘涕泣流連悶絕懊懷諸離
車等倍增悲慟前詣佛所頭面礼足
而白佛言世尊今者欲般涅槃一切
衆生失智慧眼方當在於黑暗之中

大般涅槃經卷上 第十張 頌

云何能見所應行履唯願世尊住壽
一劫若減一劫如是三請佛即答言
有為之法皆患無常設住一劫若減
一劫亦歸無常介時如來即說偈言
須弥雖高廣終歸於消磨大海雖剎曠
會亦還枯竭日月雖明朗不久則西沒
大地雖堅固能負荷一切劫盡業火然
亦復歸無常思受合會者必歸於別離
過去諸如來金剛不壞身亦為無常遷
今我豈獨異諸佛法如是汝等不應請
勿偏於我上而更生憂惱
余時世尊說此偈已告諸離車汝等
可止啼泣之情諦聽如來寂後所說
諸離車言善哉世尊願樂欲聞於是
如來數屈師壇結跏趺坐諸比丘衆
及以離車強自抑忍各坐一面介時
世尊告離車言汝等當知有七種法
日就增進而不減損一者歡悅和同
無相違逆二者共相曉悟講論善業
三者護持禁戒及持札儀四者恭敬
父母及餘尊長五者親戚和睦各相
承順六者國內支提修理供養七者
奉持佛法親敬比丘及比丘尼愛護

大般涅槃經卷上 第十一張 頌

優婆塞及優婆夷如是七法若受行
者令人威德日就增進國土熾盛人
民豐樂汝等從今至盡形壽當奉持
之無得懈怠時諸離車即白佛言我
等若於此七法中修持一事尚能令
我威德增進况復具足修持七法善
哉世尊我等今者便得福利當盡形
壽奉持不忘介時世尊告諸比丘汝
等從今亦當修習七法之行一者歡
悅和諧猶如水乳二者常共集會講
論經法三者護持禁戒不生犯想四
者恭敬於師及以上座五者料理愛
敬阿練比丘六者勸化檀越修營三
寶所止住處七者勤加精進守護佛
法汝等當知若有比丘行此七法功
德智慧日就增進復次比丘更有七
法汝等當修一者不如白衣營資生
業二者不作戲論調謔之言三者不
樂睡眠廢於精勤四者不論世間無
益之事五者遠惡知識近於善友六
者正念不生邪想七者若於佛法有
所得者更求勝進汝等若能行此七
法功德智慧日就增長復次比丘更

大般涅槃經卷上 第十二張 頌

有七法汝等當行一者於佛法僧生堅固信二者有慙三者有愧四者心常樂於多聞五者心不輕躁六者樂聞經義七者樂修智慧汝等若能修此七法功德智慧日就增長復次比丘更有七覺意法汝等當行一者擇法二者精進三者喜四者念五者定

六者持七者捨汝等若能行此七法功德智慧日就增長復次比丘更有七法一者觀於無常二者觀於無我三者觀於不淨四者觀苦五者不樂世間六者不著五欲七者勤修寂滅汝等若能行此七法功德智慧日就增長復次比丘更有七法汝等當行一者身常行慈二者口常行慈三者意常行慈四者若有檀越種種布施平等分與無使有偏五者於深妙法樂說不厭六者不以世間典籍而教於人七者見非同學不生憎嫉汝等若能修此七法功德智慧日就增長復次比丘更有七法汝等當行一者於九部法善能分別二者善解其義三者行道誦習皆得其時四者行住

大般涅槃經卷上 第三十二經

坐卧善得儀中五者為人說法並自量付以其所長而以教人六者若婆羅門刹利長者居士來欲聽法當善等量隨根為說七者善別愚智汝等若能行此七法功德智慧日就增長必能守護我之正法

尔時國中諸離車妻聞佛不久當般涅槃今者寂後見毗耶離心大懊懷悲泣流連各與五百眷屬各辦五百乘車載供養具種種莊嚴車牛白者懸素幡蓋如是玄黃各隨牛色次第出城往至佛所尔時世尊遙見彼來告諸比丘汝等見此諸離車妻前後導從極嚴麗不比丘答言唯然見之佛告比丘此毗耶離離車長者及其妻出入之儀甚為光飾與忉利天等無異也時離車妻既到佛所頭面札足悲泣流連不能自勝以諸供具而供養佛自言世尊唯願住壽教化衆生世尊今若般涅槃者我等盲瞶永無開悟受生薄福為此女身恒有限礙不得自在無緣而數親近世尊世尊便欲般涅槃者我等善根日就

大般涅槃經卷上 第十四經

減損尔時如來而卷之言汝等從今至盡形壽精勤持戒如人護眼意念端直勿生諂嫉此便即是常得見我諸離車妻聞佛此語倍增悲絕不能自勝却坐一面

尔時菴婆羅女顏容端正世界第一聞佛不久當般涅槃寂後見於毗耶離城心懷悲懊涕泣交流即與五百眷屬嚴五百乘車次第出城往詣佛所尔時世尊遙見彼來告諸比丘菴婆羅女今來詣我形貌殊絕舉世無雙汝等皆當端心正念勿生著意比丘當觀此身有諸不淨肝膽腸胃心肺脾胃屎尿膿血充滿其中八萬戶垂居在其內髮毛爪齒薄皮覆肉九孔常流無一可樂又復此身根本始生由於不淨此身所可往來之處皆悉能令不淨流溢雖復飾以雕鏤熏以名香辟如寶瓶中藏臭穢又其死時脰脹腐爛節節支解身中有虫而還食之又為虎狼鷄鳥鴈鷺之所吞噬世人愚癡不能正觀惡著恩愛溺之至死橫於其中而生貪欲何有智

大般涅槃經卷上 第十五經

者而樂此耶。今時世尊即說偈言
雖復佩瓔珞香華自嚴飾屎尿及唾痰
不淨藏其內衆生保惜之迷惑不覺悟
猶如灰覆火愚人蹈其上智者當遠離
勿生染著心

今時菴婆羅女到於佛前頭面礼足
以諸供具而供養佛銜淚嗚咽而白
佛言唯願世尊住壽住世不般涅槃
利益世間諸天人民世尊若定般涅
槃者一切衆生無復得道猶如嬰兒
失於慈母今時世尊而告之言一切
諸行性相如是汝今不應生於悲懷
世尊即便普為衆生而說法言汝等
從今護持禁戒勿得虧犯破戒之人
天龍鬼神所共憎厭惡聲流布人不
意見若在衆中獨無威德諸善鬼神
不復守護臨命終時心識怖懼設有
微善志不憶念死即墮業受地獄若
經歷劫數然後得出復受鐵鬼畜生
之身如是轉轉無解脫期比丘持戒
之人天龍鬼神所共恭敬美聲流布
聞徹世間慶大衆中威德明盛諸善
鬼神常隨守護臨命終時正念分明

大般涅槃經卷上 第十卷

死即生於清淨之處當於如來說此
法時六萬八千由他天人八部遠
塵難治得法眼淨六十比丘漏盡意
解咸阿羅漢今時世尊告諸離車及
與其妻并菴婆羅女我今欲進乳荼
村中汝等可各還歸而止當知諸行
皆空無常但當修行我所說法勿如
嬰兒涕泣悲懷世尊即便從座而起
時諸離車及與其妻菴婆羅女聞佛
此言提背拍頭號咷大哭緣路隨佛
不肯旋返世尊既見慈愍情深非是
言辭所可安慰即以神力化作河水
涯岸深絕汲流逐疾時諸離車及以
眷屬菴婆羅女既見如來與比丘衆
在彼河岸倍增悲慟悶絕躡地而以
微聲共相謂言是度耶忽有此大河
而復乃余波濤驚急當是如未見於
我等隨從不捨而故作此絕行道耳
時諸離車及其妻菴婆羅女既不
得安心倍踊躍俛仰哽咽絕望乃還
今時如來至乳荼村北林中住告諸
比丘汝等當知有四種法一戒二定
三慧四解脫若不聞知此四法者斯

大般涅槃經卷上 第十卷

人長夜在生死海我於往昔若不聞
知此四法者不能疾得阿耨多羅三
藐三菩提於是世尊即說偈曰
戒定慧解脫我若不久聞不能疾得證
無上正真道汝等宜精進修習此四法
能斷生死苦天上福田
今時世尊說此偈已為諸比丘分別
廣說此四法義當於如來說此法時
千二百比丘即於諸法漏盡意解成
阿羅漢
今時世尊與諸比丘即從座起趣於
菴村菴婆羅村閭浮村乃至到於善
伽城到彼城已與諸比丘前後圍繞
在一處坐於是世尊告諸比丘有四
聖諦當勤觀察一者苦諦二者集諦
三者滅諦四者道諦比丘告諦者所
謂八苦一生苦二老苦三病苦四死
苦五所求不得苦六怨憎會苦七愛
別離苦八五受陰苦汝等當知此八
種苦及有漏法以逼迫故諦實是苦
集諦者無明及愛能為八苦而作因
本當知此集諦是苦因滅諦者无明
受滅絕於苦因當知此滅諦實是滅

大般涅槃經卷上 第十卷

道諦者八正道一正見二正念三正思惟四正業五正精進六正語七正命八正定此八法者諦是聖道若人精勤觀此四法速離生死到解脫處汝等比丘若於此法已究竟者亦當精勤為他解說我若減後汝等亦應勤思修習當於如來說此法時五百比丘漏盡意解成阿羅漢虛空諸天其數四萬於諸法中速離離垢得法眼淨

余時世尊告諸比丘有四決定說一者若有比丘樂欲說法作如是言我親從佛聞如是法善解其義受持讀誦極自通利汝等宜應請之令說應隨所聞善自思惟為修多羅為是毗尼法相之中有此法耶若修多羅及以毗尼法相之中有此法者宜應受持稱讚善哉若修多羅及以毗尼法相之中無此法者不應受持亦勿稱讚當知此法非我所說二者若有比丘樂欲說法作如是言我於某處比丘僧眾聞如是法善解其義受持讀誦極自通利汝等宜應請之令說隨

大般涅槃經卷上 第十九

所聞法善自思惟為修多羅為是毗尼為是法相中有此法耶若修多羅及以毗尼法相之中有此法者宜應受持稱讚善哉若修多羅及以毗尼法相之中無此法者不應受持亦勿稱讚當知此法非我所說亦復非彼比丘眾說三者若有比丘樂欲說法作如是言我親從彼某僧伽藍某阿練若住處眾多上座比丘志皆多聞聰明智慧聞如是法善解其義受持讀誦極自通利汝等宜應請之令說應隨所聞善思惟之為修多羅為是毗尼為是法相中有此法耶若修多羅及以毗尼法相之中有此法者宜應受持稱讚善哉若修多羅及以毗尼法相之中無此法者不應受持亦勿稱讚當知此法非我所說四者若有比丘樂欲說法作如是言我親從某僧伽藍某阿練若住處有一上座比丘智慧多聞聞如是法善解其義受持讀誦極自通利汝等宜應請之令說應隨所聞善思惟之為修多羅為是毗尼為是法相中有此法耶若修多

大般涅槃經卷二 第二

羅及以毗尼法相之中有此法者宜應受持稱讚善哉若修多羅及以毗尼法相之中無此法者不應受持亦勿稱讚當知此法非我所說汝等宜應善分別此四決定說又亦以此分別說法傳授餘人設我在世及般涅槃虛偽真實以此知之時諸比丘而自佛言善哉世尊我等從今當能分別佛說魔說

余時世尊與諸比丘從座而起趣鳩安村到彼村已與比丘眾前後圍繞坐一樹下時彼村中諸婆羅門長者居士聞佛至已皆悉馳競來詣佛所頭面礼足却坐一面而白佛言世尊今者與諸比丘故來此村別有餘趣於是如來即答之言我却後三月當般涅槃從毗尼離城遍歷村邑次第到此余時諸人聞佛此語悲泣懷懷悶絕躋地舉手拍頭捉臂大叫唱如是言嗚呼苦哉世間眼滅我等不久失所歸導垂涕白言唯願世尊住壽一劫若減一劫余時世尊而答之言汝等不應生此悲懷所以者何有為之

大般涅槃經卷上 第三

法性相如是汝等可捨憂懷之情靜心聽我。最後所說於是諸人強自抑忍。低頭默聽。時彼座中有一婆羅門名弗波育帝。聰明智慧博聞強記。今時如來即告之言。汝等當知在家之人有四種法。一應修習。一者恭敬父母。盡心孝養。二者恒以善法訓導妻子。三者愍念僮僕。知其有無。四者近善知識。遠離惡人。汝等若恒行此四法。現世為人之所愛敬。將來所生常在善處。復次弗波育帝。在家之人有四樂法。一者不負他財。無慙愧色。二者極大巨富。自惜不用。父母妻子親戚眷屬皆不給與。又不供養沙門婆羅門三者。極大巨富。身著麗服。口恣上味。供養父母親戚眷屬。皆悉給與。奉事沙門及婆羅門四者。身口意業並不為惡。聰明智慧樂欲多聞。汝等當知在家之人雖復有此四種之樂。而不負他債。及以慳貪。此法名為寧下之樂。好行布施。名為中樂。身口意業不造於惡。聰明智慧樂於多聞。此法名為上勝之樂。今時如來而說偈言。

大般涅槃經卷二 第三十二

不負債及慳斯名為下樂。有財行亦施。此名為中樂。身口意業淨智慧樂多聞。此則為上樂。慧者之所行。汝等徒今日乃至盡形壽。長幼互相教行。此中上法。

大般涅槃經卷上

癸卯歲高麗國大藏都監奉勅雕造

大般涅槃經卷上 第三十二

大般涅槃經卷中

對

東晉平陽沙門釋法顯譯

今時弗波育帝等而白佛言。世尊我等從今以中上法互相開導。於是弗波育帝等五百人。即於佛前受三歸依。并及五戒。弗波育帝等重白佛言。唯願世尊及比丘僧。明受我供。于時如來默然許之。弗波育帝等知佛許已。即從座起。與其來眾。禮佛而退。還到其舍。通夕辦好香美飲食。既至明日。食時將到。遣信白言。唯願世尊。自知其時。於是如來與比丘僧前後圍繞。往詣其舍。次第而坐。弗波育帝見佛及僧。悉安坐已。便起行水。手自斟酌。諸美飲食。餘婆羅門長者居士有五百人。各賣美饌。亦在其舍。共供養佛。時諸比丘當於食上有不善攝身威儀者。諸婆羅門長者居士既見之。已心不歡喜。今時世尊知眾人心。而普告言。汝等當知如來正法深廣。如海不可測量。又復大海有諸眾生。身體極大。長萬六千踰闍部。或復身長。

八千踰閻部或復身長四千踰閻部或復身長千踰閻部或復身長一寸半寸乃至極微如來法海亦復如是其中或有得阿羅漢具足三明及以六通有大威德福天人者其中亦有得阿耨舍者斯陀舍者須陀洹者亦復有得四果向者乃至亦有九夫之人未得法利者是故汝勿於法海中而生礙心於是世尊而說偈言

一切眾川流皆悉歸大海若般佛及僧福歸已亦然

尔時如來說此偈已又為眾人說種種法于時弗波育帝等五百人於諸法中遠塵離垢得法眼淨尔時世尊與比丘僧徒座而起更復前行趣波城弗波育帝等五百人悲號啼泣奉送如來徘徊顧慕絕望乃返

尔時世尊既至彼城彼城之中有二巧子名曰淳陀其人有園極為閑靜如來即便與諸比丘前後圍繞往住彼園是時淳陀聞佛及僧來其園中歡喜踊躍不能自勝與其同類俱詣佛所頭面礼足却住一面而白佛言

大般涅槃經卷中 第三張 側

不審世尊何緣來此有他趣耶尔時世尊即答之言我今所以來至此者不久應當入般涅槃是以故來寂後相見是時淳陀及其同類聞佛此語心大悲懷悶絕於地良久微聲而白佛言世尊今者捨諸眾生不慈念耶云何便欲入般涅槃唯願世尊住壽一劫若減一劫即又拍頭捉臂大叫作如是言嗚呼苦哉世間眼滅一切眾生從今以後沒生死海未有出期所以者何無上導師般涅槃故尔時世尊告淳陀言汝今不應生苦懷也一切諸行法皆如是悉為無常之所遷變合會恩愛必有別離是故汝今勿生憂懷尔時淳陀即白佛言我今亦知諸行無常合會恩愛皆悉別離然無上尊當般涅槃我今云何而不悲懷尔時世尊即為淳陀說種種法淳陀聞已憂悲小歇便從座起整身威儀偏袒右肩頂礼佛足自言世尊唯願明日受我薄供世尊即便默然許之尔時淳陀知佛許已礼足而退淳陀還舍通夕辦於多美飲食至明

大般涅槃經卷中 第三張 側

食時遣信白佛唯願世尊自知其時於是如來與諸比丘前後圍繞往詣其舍次第就坐是時淳陀見佛坐已即便行水手自斟酌下諸精饌世尊及僧食竟洗鉢還歸本座淳陀亦坐尔時世尊告淳陀言汝今已作希有之福寂後供飯佛比丘僧如此果報無有窮盡一切眾生所種諸福无有能得等於汝者宜應自生欣慶之心我今寂後受汝請訖更不復受他餘供飯尔時世尊即說偈言

汝今已建立希有之功德寂後得供飯佛及比丘僧功德日增長永無窮竭時汝今宜自應深生欣慶心一切所造福無有等汝者

尔時世尊說此偈已即語阿難我今身痛欲疾往彼鳩尸都城尔時阿難與諸比丘并及淳陀聞佛此語生大苦痛踴泣流連不能自勝於是世尊即從座起與諸比丘前後圍繞趣向彼城尔時淳陀亦與眷屬隨從如來世尊中路止一樹下語阿難言我於今者極患腹痛即將阿難去樹不遠

大般涅槃經卷中 第四張 側

而便下血既還樹下而勅阿難汝可
取我僧伽梨衣四疊敷地我欲坐息
不堪復前阿難受勅世尊即便坐息
樹下又告阿難我今患渴汝可往至
迦居唎河取淨水來阿難答言向有
商人三百乘車從河而過其水必濁
恐不堪飲如是再三勸於阿難阿難
然後持鉢而去既到河上見水澄清
心大怖懼身毛皆豎而自念言我於
向者見諸商人五百乘車經此水過
意謂猶濁不言便清致令屢逆如來
之勅即持水歸而以供奉作如是言
甚奇世尊向見商人五百乘車從河
而度妨於前後十日之中猶未應清
世尊神力俄余之頃而便澄潔世尊
即便受水飲之

余時有一滿羅仙人之子名弗迦婆
是彼迦蘭仙人弟子從鳩尸那詣波
波城忽於中路而見如來坐息樹下
合掌問許却坐一面而白佛言夫出
家法坐禪之業為第一調伏情根使
心不亂專精寂靜莫能驚恐所以者
何憶念往昔隨從我師迦蘭仙人行

大般涅槃經卷中 第五張 捌

於道路既患疲乏近於路側止息樹
下我師即便坐禪思惟當余之時有
諸商人乘五十乘車從前而過我師
余時猶故寂默身不動搖如是良久
方從禪起我即便往而白師言尊向
在此坐禪之時有諸商人五十乘車
經前而過聲如雷震不審尊向為見
之不師答我言都無所見又復問言
聞其聲不亦不聞即復曰言尊今
衣上所以有此塵土污者是彼車過
故致余耳我於余時深生奇特知坐
禪法極可敬重善攝情根無能亂者
余時世尊答弗迦婆汝向所說非為
奇特所以者何若復有人非是熟眠
亦復不入於滅盡定端心坐禪五百
乘車從其前過此人于時不覺不聞
如是乃可名為奇特復次弗迦婆斯
亦未足為大奇特若復有人正念坐
禪遇天霹靂雷電震曜時有耕者兄
弟二人聞此驚怖應聲而死又有四
牛亦皆頻絕而坐禪者不覺不聞斯
可得名為奇特不弗迦婆言五百乘
車從前而過不覺不聞已為奇特兄

大般涅槃經卷中 第六張 捌

復霹靂震曜動地而不聞覺極為希
有余時世尊告弗迦婆我於往昔在
阿摩羅村於一樹下端坐思惟時有
商人三百乘車經我前過而我禪思
不覺不聞諸商人等經過良久我方
出定時彼商人遙見我起皆悉覺來
見我身上塵土污衣即便拂之而問
我言我等向者五百乘車從此而過
世尊見即便答言我不見也彼復
問言世尊自可閉目不視為聞聲不
我及答言亦不聞聲商人又問世尊
為眠為是入於滅盡定耶我又答言
我向不眠亦非入定但在禪思故無
聞見彼諸商人聞我此言極生奇特
歎未曾有而作是言坐禪之力乃能
如此我即為其說種種法時彼商眾
悉於諸法遠塵離垢得法眼淨復次
弗迦婆我於往日在彼村側田間獨
坐寂默禪思不久忽然天大霹靂雷
電風雨震動天地時有耕者兄弟二
人忽聞此聲同共怖死又有四牛亦
復頻絕時彼村人聞有耕者二人怖
死或是父母妻子知識合村相隨弟

大般涅槃經卷中 第七張 捌

泣來看我於今時方從禪覺見地泥
水又有衆人集聚諦聽有一人來我
即問言何故人衆聚此悲泣彼人答
言世尊向者不覺雷電霹靂聲耶我
村之中兄弟二人在此而耕同時為
於霹靂所驚及以四牛亦皆俱死云
何世尊而不覺知如來向者為是得
眼為是入於滅盡定耶即答之言我
向不眠亦不入定端寂坐禪故不聞
耳是時彼人聞佛此語深生奇特歎
未曾有心自念言坐禪乃有如此之
力我即為其種種說法既聞法已於
諸法中遠塵離垢得法眼淨時弗迦
婆聞佛此言生希有心而白佛言本
見我師坐禪之時五十車過而不聞
知謂為奇特今者如來說此二事百
千万倍不可為比如來禪力不可思
議即便從佛受三歸依如來為說種
種妙法其聞法已心開意悟遠塵離
垢得法眼淨即語侍人汝可取我金
色劫貝二張持來我欲上佛侍人奉
勅即取將來時弗迦婆手執劫貝長
跽佛前而作是言我今以此奉上世

大般涅槃經卷中 第八分 別

尊唯願哀愍即賜納受今時世尊答
弗迦婆我今為汝受取一張可以一
張施於阿難所以者何阿難日夜親
侍我側且又今日看我疾病若有施
主施於病人及看病者斯則名為滿
足大施時弗迦婆聞佛此語歡喜踊
躍即以一張置佛足下又持一張至
阿難所長跪白言我今以此奉施尊
者唯願納受阿難答言善哉善哉汝
今能信天人師言令汝長夜永得安
樂我為汝受於是弗迦婆還至佛所
如來即復為說諸法其聞法已得阿
耨舍果時弗迦婆復白佛言我今欲
於佛法出家佛即喚言善來比丘鬚髮
自落袈裟著身即成沙門得阿羅漢
今時如來從其面門放種種光青黃
赤白頗梨紅色於是阿難頂禮佛足
長跪叉手而白佛言不審世尊有何
因緣而現此瑞佛即答言阿難當知
我有二時放大光明一者在菩提樹
欲成佛時放大光明二者欲般涅槃
放大光明阿難知不我成阿耨多羅
三藐三菩提盡於夜分般涅槃時示

大般涅槃經卷中 第九分 別

復如是汝今當知我於今者後夜分
盡在鳩尸那城力士生地熙連河側
娑羅雙樹間入般涅槃說此語已諸
比丘衆虛空諸天悲號啼泣不能自
勝今時世尊與比丘衆到迦屈蹉河
世尊即便入河洗浴洗淨已共比
丘僧坐於河側今時淳陀心自咎責
世尊因受我之供飯而患腹痛欲般
涅槃今時世尊知淳陀心告阿難言
汝今當知一切衆生勿自責言如來
因受我之供飯致使身患而般涅槃
所以者何如來出世有二種人獲福
最上一者欲成阿耨多羅三藐三菩
提時而來奉施二者如來臨欲般涅
槃時寂後供飯此二人福正等無異
所獲果報不可稱計如此二施難可
值遇如優曇鉢花時時乃有今時世
尊即告淳陀汝今心意正有此念不
應自生如此悔責已獲無上難得之
寶宜應自生慶幸之情百千万劫佛
名難聞雖得聞名見佛又難雖得見
佛供養又難雖得供養在此二施亦
又甚難汝今已果不久當獲辯才智

大般涅槃經卷中 第十分 別

慧色力壽命。余時淳陀問佛。此語心生歡喜。不能自勝。而白佛言。快哉。世尊。我今已得如此大利。余時世尊而說偈言。

布施者獲福。慈心者無怨。為善者消惡。離欲者無惱。若行如此行。不久般涅槃。余時世尊說此偈已。告淳陀言。汝今應以最後施福。廣為人說。令得聞者。長夜獲安。余時世尊告阿難言。我今欲進鳩尸那城力士生地。熙連河側。娑羅雙樹間。阿難自言。唯然。世尊。於是如來與諸比丘。前後圍繞。而便進路。渡熙連河。住鳩尸那城力士生地。娑羅林外。語阿難言。汝可往至娑羅林中。見有雙樹。孤在一處。灑掃其下。使令清淨。安處繩牀。令頭北首。我今身體極苦。疲極。余時阿難及諸比丘。聞佛此語。倍增悲絕。阿難流淚奉勅。而去。至彼樹下。灑掃敷施。皆悉如法。還歸。自言。灑掃敷施。皆悉已畢。余時世尊與諸比丘。入娑羅林。至雙樹下。右脅著牀。累足而卧。如師子眠。端心正念。余時雙樹忽然生花。墮如米上。

大般涅槃經卷中 第十二經 例

世尊即便問阿難言。汝見彼樹。非時生花。供養我不阿難。答言。唯然。見之。余時諸天龍神八部。於虛空中。雨眾妙花。曼陀羅花。摩訶曼陀羅花。曼珠沙花。摩訶曼珠沙花。而散佛上。又散牛頭栴檀等香。作天伎樂。歌頌讚歎。佛告阿難。汝見虛空諸天八部。供養我不阿難。自言。唯然。已見。世尊。又復告阿難言。欲供養我。報於恩者。不必以此香花伎樂。淨持禁戒。讀誦經典。思惟諸法。深妙之義。斯則名為供養我也。余時有一比丘。名優波摩那。如來昔日未取阿難為侍者時。其恒執事。看視如來。時優波摩那。既見如來。卧雙樹下。心大苦惱。在佛前立。余時世尊而告之言。汝今不須當我前倚。優波摩那。即却一而。余時阿難心生疑念。我侍佛來。經歷年載。未曾見佛作如此語。今日何故不聽。前立如來。今者不久。便當入般涅槃。而復不聽。在前悲泣。於是阿難。即礼佛足。長跪叉手。自言。世尊。我從昔未侍佛至今。變數在於世尊前立。而未曾聞。令我

大般涅槃經卷中 第十二經 例

去。退今者何故。語優波摩那。使違前耶。佛言。阿難。諸天龍神八部之眾。聞我在於娑羅雙樹右脅而卧。皆悉競來瞻視。於我從虛空中。累至于地。四面充滿。各三十二踰闍。此優波摩那比丘。當我前立。天龍八部。生不喜心。作如是念。如來今者在雙樹間。不久便當入般涅槃。我等最後瞻視之時。而此比丘。當佛前立。以是因緣。故令之却阿難。知不令此八部。或有悲泣。不能自勝。或有懊惱。迷悶欲絕。或有以手自拔頭髮。或有牽絕嚴身具者。悉皆同聲唱如是言。如來今者入般涅槃。何其速哉。如來出世。難可值遇。如優曇鉢花。時時乃現。而今不久。入般涅槃。嗚呼。苦哉。世間眼滅。我等從今誰為歸導。離欲諸天。皆悉歎言。嗚呼。世間極為無常。無有受生不歸滅者。又彼諸天。共相謂言。世尊昔日或在毗耶離城。或在王舍城。或在舍衛國。并及餘處安居。訖已。諸比丘眾。從四方采問。許世尊我等因此得於路側。見諸比丘。礼拜供養。聽受經法。

大般涅槃經卷中 第十二經 例

長獲福利世尊今者既般涅槃諸比丘僧安居竟已無復問許遊行處所我等不復得於路側見諸比丘禮拜供養聽受經法從今永失如此福利今時如來告阿難言若比丘比丘尼優婆塞優婆夷於我滅後能故發心往我四處所獲功德不可稱計所生之慶常在入天受樂果報無有窮盡何等為四一者如來為菩薩時在迦比羅城兜國藍毗尼園所生之慶二者於摩竭提國我初坐於菩提樹下得成阿耨多羅三藐三菩提慶三者波羅捺國鹿野苑中仙人所住轉法輪慶四者鳩尸那國力士生地熙連河側娑羅林中雙樹之間般涅槃慶是為四慶若比丘比丘尼優婆塞優婆夷并及餘人外道徒眾發心欲往到彼禮拜所獲功德悉如上說今時阿難聞佛此語自言世尊我從今者當普宣告諸四部眾知此四慶若往禮拜功德如是今時阿難復白佛言若有善心諸優婆塞善持戒行樂聽經法欲見比丘我等從今當云何耶

大般涅槃經卷中第十四

佛言汝等從今勿與相見阿難言若脫遇會與之相逢當復云何佛言勿與共語阿難言若不共語其脫語請欲聞經法當復云何佛言應為說法但當善攝汝身口意今時阿難而白佛言我等從今如是奉行

今時阿難而白佛言世尊入於般涅槃後供養之法當云何耶佛言汝今不應逆憂此事但自思惟於我滅後誑持正法以昔所聞學為人說所以者何諸天自當供養我身又婆羅門及以諸三長者居士此等自當供養我身阿難言雖復天人自興供養然我不知應依何法佛言阿難供養我身依轉輪聖王阿難又問供養轉輪聖王其法云何佛言阿難供養轉輪聖王之法用新淨綿及以細氈合經其身如是乃至積滿千重內金棺中又作銀棺盛於金棺又作銅棺盛於銀棺又作鐵棺盛於銅棺然後灌以衆妙香油又復棺內以諸香華而用塗散作衆伎樂歌頌頌然後下蓋造大寶輿極令高廣軒蓋欄楯衆妙

大般涅槃經卷中第十五

莊嚴以棺置上又於城中作閼維廬掃灑四面極令清淨以好栴檀及諸名香聚為大積又於積上敷舒繒氈施大寶帳以覆其上然後昇舉至閼維廬燒香散華伎樂供養繞彼香積周迴七匝然後以棺置香積上而用香油以澆灑之然火之法從下而起閼維既竟收取舍利內金瓶中即於彼處而起兜婆表刹莊嚴懸繒幡蓋諸人民等恒應日日燒香散華種種供養阿難當知供養轉輪聖王之法其事如是閼維我身亦與三等然起兜婆有異於王表刹莊嚴應懸九繒若有衆生懸繒幡蓋燒香散華及然燈燭禮拜讚歎我兜婆者此人長夜獲大福利將來不久他人亦復起大兜婆供養其身阿難當知一切衆生皆無兜婆唯有四人得立兜婆一者謂如來應正遍知明行足善逝世間解無上士調御丈夫天人師佛世尊慈愍衆生堪為世間作上福田應起兜婆二者謂辟支佛思惟諸法自覺悟道亦能福利世間人民應起兜婆

大般涅槃經卷中第十六

三者謂阿羅漢隨所聞法思惟漏盡亦能福利世間人民應起兜婆四者謂轉輪聖王宿殖深福有大威德王四天下七寶具足自行十善又復勸於四天下人亦行十善應起兜婆阿難當知若有衆生以諸供具而以供養此兜婆者其所得福漸次差降

余時阿難聞佛此語心生懊惱悲涕泣隱於佛後相去不遠而以微聲作如是言我今猶是學地之人於諸法中未得深味而天人師一旦捨我入般涅槃我當何時踐解脫路即便舉手攀一樹枝捉臂拍頭悶絕懊惱余時世尊問餘比丘阿難即時為在何處比丘荅言阿難今者在如來後於一樹下啼泣懊惱又告比丘汝可往彼語阿難言天人之師今欲見汝比丘便往說如來言阿難既聞即便來還至於佛所頭面礼足倚立一面世尊於是問阿難言我於近日已為汝說一切諸行皆悉無常合會恩愛必歸別離汝今何故猶生悲懷復次阿難汝從往昔侍我至今左右執事

大般涅槃經卷中 第十七 頌

進止去來及通賓客皆得宜節又復見汝身口及意悉清淨無有瑕穢汝獲福利不可計計余時世尊告諸比丘阿難不應作此悲懷所以者何不久當得到解脫處比丘當知過去諸佛皆有侍者如今阿難未來諸佛亦復如是比丘當知今此阿難智慧深妙聰明利根我從昔來所說法藏阿難皆悉憶持不忘復次比丘阿難善知進止時節若有人客欲來見我阿難即先思量其時世尊或應某時見諸比丘或應某時見比丘丘或應某時見優婆塞或應某時見優婆塞或應某時見婆羅門或應某時見刹利或應某時見長者居士或應某時見諸外道如是等衆若來見我及聞說法皆悉多獲功德福利所以者何志是阿難通進見我得其善根成熟時故復次比丘轉輪聖王有四奇特希有之法一者若婆羅門來至轉輪聖王之所既到見王顏容端正威德高顯心生歡喜次聞王語音辭清徹亦生歡喜乃至見王默然無言又

大般涅槃經卷中 第十八 頌

懷踊躍及與王辭還歸所止迴應願慕步步悵悵如飢渴人不得飽滿二者諸小刹利三者毗舍四者首陀羅亦復如是此為轉輪聖王四奇特事當知阿難亦有此四奇特之事一者若諸比丘從遠方來欲問許我次見阿難皆生歡喜聞其說法及見默然亦復欣悅辭別而退應德情深不能有已二者比丘丘三者優婆塞四者優婆塞亦復如是汝等當知阿難有此四奇特事

余時世尊告阿難言汝今不應自生苦懷而作是言天人之師將般涅槃我今無復解脫之期所以者何凡我所說一切法藏於我滅後思惟奉持勤行精進不久自當得於解脫余時阿難既得如來梵音安慰憂懷小除而白佛言我今心意如小醒悟欲有所請唯願哀愍佛即荅言欲請何事阿難言此鳩尸那城比餘大國極為邊狹人民又復不能熾盛唯願世尊往餘大國王舍城毗耶離城舍衛國城婆羅捺城阿踰闍城瞻波城俱睺

大般涅槃經卷中 第十九 頌

弥城德又尸羅城如是諸城所處三
中人民熾盛國土豐樂皆多信心智
慧聰明唯願世尊往彼諸城而般涅
槃廣利其中諸衆生等今時世尊答
阿難言汝今不應作是請我言此鳩
尸那城為邊狹也汝當諦聽今為汝
說阿難過去久遠此鳩尸那城有轉
輪聖王名大善見七寶具足王有千
子能伏怨敵皆以正法化諸人民今
時此城名鳩尸婆帝城東西二門其
間相去十二踰闍那城北二門其間
相去八踰闍那其城四面周匝七重
其內一重淳以黃金其第二重淳以
白銀其第三重淳以琉璃其第四重
淳以頗梨其第五重淳以車渠其第
六重淳以瑪瑙其第七重淳以衆寶
其城樓櫓皆悉七層牕牖欄楯七寶
雕飾懸衆寶鈴寶網羅上其間相去
盡一箭道其城四門門各九重莊嚴
嚴飾光麗悅目七重城外各有漸水
其水澄潔具八功德皆以七寶而為
階陛諸華類鳥鸞鳳孔雀鳧鴈鸞
翻翔飛舞鳴集其中其水復有鳩尸

大般涅槃經卷中 第三張 別

頭華鬘波羅華分陀利華青蓮華白
雜色蓮華又其岸上有七行寶樹行
各異寶微風徐起吹彼樹枝條葉相
觸音如天樂城中人民皆悉盡滿安
隱豐樂極為熾盛諸五欲具如忉利
天道路之中懸諸明珠人民行止初
無晝夜此城恒有十種音聲一者為
聲二者馬聲三者車聲四者鼓聲五
者螺聲六者琴瑟等聲七者歌聲八
者扣鐘擊磬設大會聲九者讚嘆持
戒人聲十者于共說法語論之聲大
善見王有諸威德端正第一衆人見
者無不受敬長壽歡樂身無小疾王
性慈仁愍念一切猶如慈父憐愛其
子一切人民親敬於王亦復如父阿
難大喜見王別於一時欲出園林遊
觀嬉戲嚴四種兵各八万四千又復
後宮夫人嫔女亦嚴八万四千乘車
欲隨遊看時王又復勅於國中諸婆
羅門長者居士令隨出遊嚴駕辦已
時三兵臣入白三言曰兵已辦願王
知時時三即便昇白鳥輿與婆羅門
長者居士大臣眷屬及以四兵前後

大般涅槃經卷中 第三張 別

圍繞出往園中為行駿疾猶如風馳
今時諸臣及婆羅門長者居士共諫
三言大王久在深宮之中外諸人民
無緣見王今者既往園林遊觀諸人
民衆充塞路側皆悉瞻仰欲見大王
以是事故願勅御者不須迅速王聞
此語即勅御者令徐徐行路邊人民
恣意瞻仰如子見父今時彼王見諸
衢巷無不平坦又七寶樹羅列蔭映
而無池水即勅一臣夾諸路側造七
寶池其間相去皆一百弓又令栽植
種種名華又復勅令一一池間給諸
侍人有來浴者供以香華又與飲食
恣意取足如是供給不捨晝夜又勅
彼臣自今已後四遠人民有來求乞
隨須給與既到園林與婆羅門長者
居士并餘大臣遊觀嬉戲乃至日暮
珠光明曜如晝無異不見日影乃知
是夜時王與諸婆羅門長者居士
并餘臣民嬉戲訖已還歸宮城別於
他日時婆羅門長者居士及與大臣
持衆名寶共來獻王王即語言我於
近日園林遊戲勅於某臣自今已去

大般涅槃經卷中 第三張 別

有求索隨意給與我之布施乃至如是卿等六何又以眾寶而來獻我時王即便心自思惟此諸人等所以持寶來獻我者皆緣國中共貴之故如此之事由民貧來即勅藏臣出諸珍寶及資生具置四衢道提鍾擊鼓唱令四遠大善見王今開寶藏以用布施若有所須隨意來取王恒如是廣行布施利益眾生不捨晝夜

今時國中諸婆羅門長者居士及以大臣而白王言大王常可所居宮殿極為褊狹我等每來問許王時諸侍從者不相容受唯願大王開拓令廣王聞此語默然許之心自念言我今宜應開闢佳處時天帝釋知王心念呼一天子名毗首建磨極為妙巧無事不能而語之言今闕浮提轉輪聖王名大善見其今欲更開拓宮城汝便可下為作監匠使其居處嚴麗雕飾如我無異彼天奉勅即便來下猶如壯士屈伸臂頃到闕浮提當王前立時王既見彼天子形風姿端正必知非凡而問之言汝是何神而忽來

大般涅槃經卷中 第三十四

下天即答言大王當知我天帝釋之大臣也名毗首建磨極開工巧大王心欲開廣宮殿故天帝釋遣我來下為作監匠以助於王王聞此言心懷歡喜時彼天子即便經始開闢宮城城之四門其間相去二十四踰闍部為三起殿高下縱廣各八踰闍部七寶嚴麗如帝釋宮其殿凡有八千四千間隔住處皆有七寶床帳卧具又復為王起說法殿高下縱廣亦八踰闍部七寶莊嚴無異於前其殿四面有七寶樹及以名華列植蔭映又造寶池其水清淨具八功德其殿中央施師子座七寶莊嚴極為高廣覆以寶帳垂七寶氍毹又為四遠來聽法者設四寶座黃金白銀琉璃頗梨其數凡有八千四千毗首建磨既為彼王造作宮城皆悉竟已與王辭別忽然不現還歸天上時大善見王既見宮城皆悉修立即勅擊鼓唱令國界大善見三却後七日當為一切說種種法若欲樂聞皆可來集說法殿上時婆羅門長者居士大臣人民聞此唱

大般涅槃經卷中 第三十四

令至於其目皆悉來集時王即便上說法殿登師子座一切來眾亦皆坐於四寶之座今時彼王先為諸人說十善法然後又為開餘法門乃至經於万二千歲其國眾生若有曾聞彼王法者命終生天不墮三塗阿難彼三恒作如此利益一切眾生阿難時大善見王於靜室中心自念言我過去世有何行業修何善根生世尊貴有大威德色力壽命人無等者正當於過去世中廣修布施忍辱慈悲故今獲得如此報耳我今宜應更修造勝而便思惟不久之間即得初禪乃至得於第四禪復更修習四無量心阿難大善見王受教夫人及以姪女令修四禪

大般涅槃經卷中

癸卯歲高麗國大藏都監奉勅雕造

大般涅槃經卷中 第三十四

大般涅槃經卷下

東晉平陽沙門釋法顯譯

余時雪山有八萬四千白鳥日日來到列王殿前時王心念此諸白鳥恒來我所經由道路踐踏衆生即便勅語主兵臣言自今已後不須此鳥日來我所經一千歲可令一來但令四萬二千便足不必其滿八萬四千王女寶名曰善賢與餘夫人及以姝女八萬四千人於靜室中坐禪思惟經四萬歲共相謂言我等在此坐禪思惟經四萬歲不見大王今者宜應札拜問許作此言已即便相隨到於王所其餘宮人入白王言善賢今與八萬四千女人來問許王時王聞已即便往於說法殿上昇師子座俄余之頃善賢等至王即喚前時善賢等相隨而進到於王所頭面礼足次第而坐即作是言我等共在靜室之中坐禪思惟經四萬歲不見王久故來問許欲有所說唯願聽許王即答言善哉隨意善賢即便而白王言此闍

浮提西瞿耶尼北鬱單越東弗婆提四方人民極為熾盛富樂安隱皆行十善並是大王德化力也此闍浮提如鳩尸婆帝城者其數九有八萬四千此諸城等國王臣民及婆羅門皆志求此欲見大王而王坐禪經多年歲來朝謁者皆不相見譬如孝子不見慈父又四天下不見大王遊歷甚久唯願大王善將時宜撫接民人我等女弱於國無益所以坐禪適意久遠大王處貴統攝內外一切人民莫不宗仰豈得如我女人所行自為車馬其數各有八萬四千大王宜應乘之遊觀大王昔日恒為一切說種種法授以十善項來坐禪斯事項廢于時善賢以如此事種種諫王大善見王聞此語已而答之言汝於前後每以善事而諫勸我今聞汝言殊乖昔意余時善賢聞王此誨心生懊惱垂涕念言我向所以諫大王者正以所見謂為得中不意乃復更生罪咎即從座起頂礼王足而白王言今我愚癡不識正理乃以此事而用上諫唯

大般涅槃經卷下 第三張

願大王聽我懺悔余時大善見王答善賢言一切諸行皆悉無常恩愛合會亦復別離此四天下雖余熾盛我亦不久當捨棄之我於往昔八萬四千歲而為嬰兒八萬四千歲而為童子八萬四千歲而為灌頂太子八萬四千歲而為灌頂王然後得成轉輪聖王領四天下七寶具足八萬四千歲統理民務八萬四千歲為諸人民講說諸法八萬四千歲坐禪思惟從余已來五十八萬八千歲雖復如此壽命延長會歸於盡我今已老死時將至古昔諸王尊貴快樂如我不異亦復還謝歸於無常鳩尸婆帝城及餘八萬四千大城會亦磨滅不應於此獨生受著長放逸心我今所以獲此尊勝皆由往昔積諸善業今者宜應廣植諸善造來生因是故坐禪經積年歲余時善賢等聞王此言心大歡喜頂礼王足退還所住如是不久王得為疾自知命盡即立太子而以為王集餘大臣及婆羅門長者居士以四海水灌太子頂事既畢竟王即命終

大般涅槃經卷下 第三張

上生梵天阿難大善見王王四天下
而其所居唯閻浮提大城雖有八萬
四千而其所處唯鳩尸婆帝靈山之
中有八萬四千白鳥之寶而王所乘
不過一為雖有八萬四千駿馬而王
所騎不過一疋雖有八萬四千七寶
之車而王常駕不過一乘雖有八萬
四千夫人王之所受唯在一人雖飾
寶殿八萬四千王之所處不過一室
身之所須飽足而已而王侵慮四方
經心物務徒勞精神於身無益阿難
大善見王豈異人乎我身是也我於
往昔獲此尊貴所居國城即在於此
我於此城作轉輪王不可稱數成就
利益無量衆生今者諸天充滿虛空
皆是我昔為王之時以諸善法教化
所成其於今日復在此城見般涅槃
當令其獲般涅槃果阿難以是事故
汝去何言此鳩尸婆城為邊疾耶我
今決定住於此城而般涅槃當於如
來說此當時諸天及人億那由他於
諸法中遠塵離垢得法眼淨即共同
聲而白佛言世尊往昔無量元邊阿

大般涅槃經卷下 第七

僧祇劫以諸善法利益我等今又於
此以般涅槃樂安立於我即散名華
并作天樂歌頌讚嘆供養如來今時
阿難而白佛言奇哉世尊此鳩尸婆
城過去乃有斯奇特事我今不復生
小心也

今時世尊告阿難言汝今可入鳩尸
婆城語諸力士道我今日於後夜分
入般涅槃皆悉令來與我相見若有
所疑恣意請問莫令於我般涅槃時
不及相見後生悔恨今時阿難聞佛
言已垂泣懊惱頂禮佛足攝身威儀
與一比丘俱共入城時鳩尸婆城諸
力士等男女大小始共集聚論叙如
來當般涅槃各各皆欲往詣佛所會
見阿難即便問言我聞世尊在雙樹
間將般涅槃正共言論欲至佛所於
是阿難具以如來所勅之辭告諸力
士力士聞已悲號懊惱悶絕躄地手
共微聲而相謂言嗚呼苦哉世間眼
滅我等從今何所歸依猶如嬰兒失
於慈母從今已去人天轉滅三惡道
趣日就增盛自阿難言我等眷屬今

大般涅槃經卷下 第七

欲拒隨往至佛所是時阿難還自佛
言以世尊語入城宣示諸力士衆莫
不驚絕涕泣歔歔皆悉當來瞻奉世
尊諸力士等男女大小一切相隨流
淚嗚咽緣路而進是時阿難見諸力
士人數甚多心自念言若此人衆一
一礼佛無有竟時我今當令家家一
時礼諸力士衆至佛所已阿難即便
普語之言汝等來衆既為不少若人
人礼佛不卒得竟今可家家一時礼
也力士奉旨即便礼佛退住一面而
白佛言唯願世尊住壽一切若減一
劫不般涅槃利益一切諸天人民今
諸衆生無有慧眼唯願世尊為作開
導今時如來告力士言汝今不應作
此請我所以者何一切諸行皆悉無
常恩愛合會必歸別離設我住世若
滿一劫會亦當滅我所說法但當憶
持誦念勿忘此則不異我在世也諸
力士等聞佛此言不果所請心懷愁
悴悲泣懊惱嘿然而住

今時鳩尸婆城有一外道年百二十
名須跋陀羅聰明多智誦四毗陀經

大般涅槃經卷下 第七

一切書論無不通達為一切人之所
宗敬其聞如來在娑羅林雙樹之間
將般涅槃心自思惟我諸書論說佛
出世極為難過如優曇鉢花時一現
耳其今在於娑羅林中我有所疑試
往請問瞿曇若能決我疑者便是實
得一切種智作此念已往到佛所在
於林外遙見阿難即語之言我書論
中說佛與世極難值過億千萬劫時
時乃出如優曇鉢華不可數觀在世
教化我初不見今聞在此娑羅林中
當般涅槃我有所疑欲往請問汝可
為我白世尊言道我今者欲希相見
尔時阿難聞其此語心自思惟世尊
今者四大不和接對來久已自增惡
若復與此外道相見必有言論容致
損劇即吞之言世尊今者四大不和
寢卧林中極苦身痛汝今不須見如
來也莫臨世尊般涅槃時而作障礙
須跋陀羅如是三請阿難亦復如是
三答尔時世尊以淨天耳聞須跋陀
羅請阿難聲又觀其根是可度時即
以梵音告阿難言汝莫於我後弟

大般涅槃經卷下 第七誡

子獨作留礙聽須跋陀羅前來我欲
見之此人質直聰慧易悟所以求進
欲決疑難非為故來論勝負也於是
阿難即承佛教語須跋陀羅世尊今
已勅聽汝前須跋陀羅聞佛許前歡
喜踊躍不能自勝而心念言沙門瞿
曇決定是得一切種智即前佛所手
相問許坐於一面而白佛言瞿曇欲
有所問唯願聽許佛言善哉善哉須
跋陀羅念汝所問須跋陀羅即問佛
言今者世間沙門婆羅門外道六師
富蘭那迦葉末伽利拘隍梨子刪闍
夜毗羅睺子阿耆多翅舍欽婆羅迦
羅鳩呾迦旃延尼捷陀若提子等各
各自說是一切智以餘學者名為邪
見言其所行是解脫道說他行者是
生死因于相是非云何而得知其虛
實何師應得沙門之稱何師定是解
脫之因尔時如來即答之曰善哉善
哉須跋陀羅乃能問我如此之義諦
聽諦聽吾為汝說須跋陀羅諸法之
中若不見有八聖道法當知無有一
沙門名二及三四亦復不有既無沙

大般涅槃經卷下 第八誡

門亦無解脫解脫既無非一切種智
須跋陀羅若諸法中有八聖道法當
知必有四沙門名有沙門名則有解
脫既有解脫是一切種智須跋陀羅
唯我法中有八聖道有四沙門名是
解脫道是一切種智彼諸外道富蘭
那迦葉等共說法中無八聖道無沙
門名非是解脫及一切種智若言有
者當知必是虛誑之說須跋陀羅一
切衆生聞我所說信受思惟當知其
人必不空聞要得解脫須跋陀羅我
在王宮未出家時一切世間皆為六
師之所迷醉初未見有沙門之實須
跋陀羅我年二十有九出家學道三
十有六於菩提樹下思八聖道究竟
源底成阿耨多羅三藐三菩提得一
切種智即往波羅捺國鹿野苑中仙
人住處為阿若憍陳如等五人轉四
諦法輪其得道跡尔時始有沙門之
稱出於世間福利衆生須跋陀羅當
知我法能得解脫如來實是一切種智
尔時須跋陀羅既聞如來說八聖道
心生歡喜舉身毛豎渴仰欲聞八聖

大般涅槃經卷下 第九誡

道義而白佛言唯願世尊為我分別八聖道義於是世尊即便為其分別廣說須陀洹羅既聞佛說八聖道義心意開朗豁然大悟於諸法中遠塵離垢得法眼淨即白佛言我今欲於佛法出家於是世尊即便喚之善來比丘顯發自落袈裟著身即成沙門世尊又為廣說四諦即獲漏盡成阿羅漢

今時世尊告阿難言汝今當知我於道場成阿耨多羅三藐三菩提寂初說法度阿若憍陳如等五人今日在於娑羅林中臨般涅槃最後說法度須陀洹羅諸天及人無復更應聞我說法而得度者若有善根應得解脫當來皆是我之弟子展轉相教阿難須陀洹羅雖是外道而其善根應成熱時唯有如來能分別知我般涅槃後若有外道欲於我法求出家者汝等不應便聽許之先令四月誦習經典觀其意性為虛為實若見其行實直柔軟於我法中實有深樂然後方可聽其出家阿難所以然者汝等小

大般涅槃經卷下 第十張

智不能分別眾生之根是故令汝先觀之耳今時須陀洹羅而白佛言我於向者欲求出家世尊若令先於佛法四十年中讀誦經典然後聽我而出家者我亦能令其況四月今時世尊即告之言如是如是須陀洹羅我觀汝意於我法中慇懃渴仰今作此言非為虛設今時須陀洹羅前白佛言我今不忍見天人尊入般涅槃我於今日欲先世尊入般涅槃佛言善哉時須陀洹羅即於佛前入火界三昧而般涅槃

今時如來告阿難言汝勿見我入般涅槃便謂正法於此永絕何以故我昔為諸比丘制戒波羅提木又及餘所說種種妙法此即便是汝等大師如我在世無有異也阿難我般涅槃後諸比丘等各依次第大小相敬不得呼姓皆喚名字互相伺察无令眾中有犯大戒不應闕求覓他細過事匿比丘應與重罰阿難問佛與何重罰佛言阿難與重罰者一切比丘勿與共語於是阿難如教奉行今時世

大般涅槃經卷下 第十一張

尊告諸比丘汝等今者若有疑難恣意請問莫我滅後生悔恨言如未逝在娑羅林中我於今時不往詣決致令今日情有所滯我今華復身體有疾猶堪為汝等解釋疑惑若欲於我般涅槃後奉持正法利益天人今宜速來彼所親也世尊乃至如是三告諸比丘等嘿然無有求決疑者今時阿難即白佛言奇哉世尊如是三誨而此眾中無有疑者佛言如是如是阿難今此眾中五百比丘未得道者我般涅槃後未來世中當得盡漏汝亦當在此中數也

今時世尊告諸比丘汝等若見我身口意脫相犯觸汝當語我時諸比丘聞佛此語流淚懊惱而白佛言如來豈當有身口意微細過耶於是如果即便說偈
諸行無常 是生滅法 生滅滅已 寂滅為樂
今時如來說此偈已告諸比丘汝等當知一切諸行皆悉無常我今雖是金剛之體亦復不免無常所遷生死

大般涅槃經卷下 第十二張

之中極為可畏汝等宜應勤行精進速求離此生死火坑此則是我輩後教也我輩涅槃其時已至時諸比丘及餘天人聞佛此誨悲號涕泣悶絕躋地如來即便普告之言汝等不應生此悲惱諸行性相皆悉如是於是如來即入初禪出於初禪入第二禪出於二禪入第三禪出於三禪入第四禪出第四禪入於空處出於空處入於識處出於識處入於無所有處出於無所有處入於非想非非想處出於非想非非想處入於滅盡定今時阿難既見如來湛然不言身體肢節不復動搖即便流淚而作是言世尊今已入般涅槃今時阿難樓駄語阿難言如來即時未般涅槃所以湛然身不動者正是入於滅盡定耳今時世尊出滅盡定更還入於非想非非想處乃至次第入於初禪復出初禪入第二禪出於二禪入第三禪出於三禪入第四禪即於此地入般涅槃今時阿難樓駄語阿難言世尊已於第四禪地入般涅槃於是阿難及四部眾

大般涅槃經卷下 第十張

聞阿難樓駄作此言已悲號嗚咽悶絕躋地其中或有舉手拍頭規曾大則共相謂言世間眼滅一何速哉一切眾生從今已去誰為導者人天方滅惡道日增時虛空中天龍八部涕泣滂沱猶如驟雨互相謂言我等從今誰為歸依猶若嬰兒失於慈母三惡道逐日就開閻解脫之門方巨重關一切眾生沉淪苦海亦如病人遠於良醫又似盲者失所導導我等既去無上法王煩惱之賊日見侵逼唱此言已聞絕懊惱不能自禁時鳩尸那城諸力士眾皆悲勇健猶如香為既見如來入般涅槃神情憔悴如病新起當於今時大地震動天鼓自鳴四大海水波浪翻倒須彌山王自然傾搖狂風奮發林木摧折蕭索枯悴駭異於常今時大梵天王即說偈言過去與未來及以今現在無有諸眾生不歸無常者如來天人尊金剛身堅固猶不免無常而況於餘人一切諸眾生愛惜保其身薰餘以香華不知當毀滅如來金色身相好以莊嚴會亦當棄捨

大般涅槃經卷下 第十四張

應入般涅槃永斷諸煩惱成一切種智猶尚不得免況餘結累者今時天帝釋即說偈言一切諸行性實是生滅法兩足最勝尊亦復歸於盡三毒熾然火恒燒諸眾生無有大悲雲誰能雨令滅今時阿難樓駄即說偈言如來於今日諸根不搖動心意會諸法而棄於此身恬然絕思慮亦復無諸受如燈盡光滅如來滅亦然今時阿難即說偈言大地忽震動狂風四激起海水波翻倒須彌寶山搖天人心悲痛泣淚猶如雨皆忘大恐怖如彼非人執由佛般涅槃故有如此事今時眾中有未得道比丘人天既見如來已般涅槃心生懊惱宛轉于地已得道者深歎世間無常之苦悲號啼泣不能自勝是時阿難樓駄語諸比丘及以天人汝等不應生大憂惱如來前已為汝等說諸行性相法皆如是去何猶故而悲泣耶今時阿難即便普語四遠來眾如來今已入

大般涅槃經卷下 第十張

般涅槃時衆人聞阿難言悲涕帝
泣問絕懊惱而以微聲語阿難言今
此人衆極爲闌塞三十二喻聞都皆
悉充滿唯願尊者各令我等次第得
前親見如來寂後瞻仰禮拜供養如
來出世難可值遇如優曇鉢華時時
乃現今者親在此般涅槃願必哀愍
令我得見今時阿難聞衆人言心自
思惟如來出世極爲難值寂後供養
亦復甚難我今當令誰在於先供養
佛者今者宜使諸比丘尼及優婆夷
得在前來供養佛身所以然者斯等
女弱普采之時不必得到如來之所
以是因緣故宜在先作此念已即便
普唱諸比丘尼及優婆夷皆聽前於
如來身所諸比丘尼及與無量優婆
夷等俱到佛所既見如來已般涅槃
帝泣懊惱圍繞禮拜種種供養今時
有一貧窮優婆夷年一百歲見諸婆
羅門井及刹利長者居士力士妻女
長幼大小以妙香華種種供養自傷
貧乏獨絕此願心自思惟如來出世
極爲難值寂後供養復爲甚難而今

大般涅槃經卷下 第十六 頌

窮罄無以自表作此念已倍增悲慟
臨佛足上心大懊惱涕泣流連汗如
來足願我將來所生之處常得見佛
諸比丘尼及優婆夷供養畢已即還
平處今時阿難又復普告諸餘人言
諸比丘尼及優婆夷供養已畢汝等
可前次第供養時諸人衆以次而來
到佛身所既見如來已般涅槃涕泣
宛轉心大悲慟以諸供具而用供養
今時諸力士衆皆志集聚共相謂言
我等今者云何闍維如來之身世尊
臨般涅槃時應有遺勅即便共往
問阿難言我等今者欲共闍維如來
之身其法云何世尊臨可般涅槃時
當有遺言准願見告今時阿難語力
士言如來遺勅闍維之法今與轉輪
聖王等無有異阿難即便具說佛向
所勅之事諸力士等聞阿難言皆共
嚴辦闍維之具先造寶輿鑲鍍莊嚴
以如來身置寶輿上燒香散華作衆
伎樂歌頌讚歎於音樂中而說苦空
無常無我不淨之法時諸力士白阿
難言如來今者既般涅槃寂後供養

大般涅槃經卷下 第十七 頌

極爲難遇我等請留如來之身七日
七夜恣意供養令諸天人長夜獲安
阿難即便以力士言問阿難樓駄阿
菟樓駄答阿難言善哉隨意阿難今
時告諸力士聽留佛身七日七夜恣
意供養時諸力士聞阿難言心大悲
慶即於林中種種供養滿七日已時
諸力士以新淨綿及以細纈經如來
身然後內以金棺之中其金棺內散
以牛頭栴檀香屑及諸妙華即以金
棺內銀棺中又以銀棺內銅棺中又
以銅棺內鐵棺中又以鐵棺置寶輿
上作諸伎樂歌頌讚歎諸天於空散
曼陀羅花摩訶曼陀羅花曼珠沙花
摩訶曼珠沙花并作天樂種種供養
然後次第下諸棺蓋時力士等共相
謂言七日之期今者已滿我等宜應
早如來棺周匝繞城令諸人民恣意
供養然後往於城南闍維作此言已
即便共昇如來之棺蓋其身力而不
能起各共驚怪不知何故而以問於
阿菟樓駄我等諸人欲昇佛棺周匝
繞城還趣南門供養闍維盡竭身力

大般涅槃經卷下 第十八 頌

而不能舉不知此是何等事相唯願尊者為我說之時阿菟棲默語眾人言所以然者虛空諸天欲令佛棺周匝繞城從北門入住於城中聽諸天人種種供養然後應從東門而出往於寶冠支提之所而闍維之彼諸力士聞此語已共相謂言諸天意亦宜應順從即昇佛棺繞城一匝從北門入住城之中聽諸天人恣意供養作妙伎樂燒香散華歌頌讚歎諸天於空雨曼陀羅花摩訶曼陀羅華曼珠沙花摩訶曼珠沙花并作天樂種種供養供養訖已即便從城東門而出往於寶冠支提之所既到彼處比丘比丘尼優婆塞優婆夷天龍八部咸結悲哽不能自勝而便聚積牛頭栴檀及諸雜香又於積上敷舒繒氎施大寶帳以覆其上昇舉寶棺繞彼香積周匝七匝燒香散花作衆伎樂而以寶棺置香積上取妙香油周澆灑之時四部衆并諸天人應慕懷懷不能自勝即便以火從下燒之火不肯然乃至再三亦復不然時諸人衆不

知所以即以此事問阿菟棲默三燒香積何故不然阿菟棲默言所以然者尊者摩訶迦葉在鐸叉那耆利國聞於如來欲般涅槃與五百比丘往彼國求欲見世尊是以如來不令火然余時大衆聞此語已深歎奇特余時摩訶迦葉在鐸叉那耆利國遙聞如來在鳩尸那城欲般涅槃心大悲戀與五百比丘緣路而求去城不遠身患疲極在於路邊與諸比丘坐於樹下見一外道手執曼陀羅華迦葉問言汝從何來答言我從鳩尸那城來迦葉又問汝知我師應正遍知不其即答言識汝大師在鳩尸那城娑羅林中雙樹之間已般涅槃得今七日即時正在寶冠支提將欲闍維天人充滿于競快養故我於彼得此天華余時迦葉聞此言已悲號哽咽諸比丘衆聞絕躋地而以微聲共相謂言嗚呼苦哉世間眼滅於是迦葉而安慰之汝等不應作此苦懷諸行性相皆悉如是如來天尊猶尚不免況復餘人而得脫耶宜應精進求離

世苦今可速起前於寶冠支提之所札拜瞻仰余時衆中有餘比丘晚暮出家愚癡無智共相謂言佛在世時禁呵我等不得縱意既般涅槃何其快哉是時迦葉與諸比丘進鳩尸那城到於寶冠支提之所見如來棺在香積上悲泣流淚圍繞七匝而登香積至寶棺所在於足處號咷嗚咽頭面作札余時如來於寶棺內而出雙足迦葉見此倍增悲驚時諸天人既覩奇特希有之事莫不嗟歎深生苦戀余時迦葉見佛足上而有點汗即便迴顧問阿難言如來足上何緣有此阿難答言如來初可般涅槃時四衆充滿我時思惟若令大衆同時進者女人羸弱不必得前即便先聽諸比丘尼及優婆夷到如來所札拜供養余時有一貧窮優婆夷年一百歲見諸婆羅門及以利利長者居士力士男女長幼大小以妙香華種種供養自傷貧乏無以表心作此念已倍增悲慟臨佛足上心大懊懷涕泣流連汗如來足余時迦葉聞此語心

懷惻悵泣責阿難曾不呵止致此點汗即以香華供養佛棺禮拜讚歎皆忘畢已於是雙足自然還入迦葉即便還下於地以佛力故香積自然四面火起經歷七日寶棺融盡於時諸天雨火令滅諸力士衆收取舍利以千張疊纏佛身者最乘一張及外一重如本不然猶裏舍利當余之時虛空諸天雨衆妙華并作伎樂歌頌讚歎供養舍利時諸衆及以力士皆患各設種種供養諸力士衆即以金甕收取舍利置寶輿上燒香散華作衆伎樂還歸入城起大高樓而以舍利置於樓上即嚴四兵防衛守護唯聽比丘及比丘尼得入禮拜種種供養其餘國王及婆羅門長者居士一切人民皆不聽前

大般涅槃經卷下 第三十三講

舍利置高樓上而嚴四兵防衛守護不分餘人汝便可以一分與我我欲於國起妙樂婆娑與諸供養若能見許永通國好不見許者與兵伐汝餘七國王及毗耶離諸離車等遣使之法皆亦如是時婆羅門長者居士亦各遣信白力士言世尊亦是我等之師願能哀愍賜舍利分時諸國使到力士所具宣王意力士聞已深懷不平答諸使言佛來我國而般涅槃舍利自然應屬我等欲於國界興造樂婆娑莊嚴供養此不可得若樂婆娑成恣汝等意使共來此供養禮拜若欲與兵而見向者此國軍衆亦足相擬時彼諸使各歸本國人人向王說如此事諸王聞已益懷瞋忿各嚴四兵而往攻伐時諸力士亦嚴戰具以擬來敵鳩尸那城中有一婆羅門名徒盧那聰明多智深信三寶心自思惟彼八國三及諸離車身力壯健軍衆精銳又且力士勇猛難當若文戰者必無兩全而即便語諸力士言汝等雖復勇銳果敢彼八國王齊力同心人衆

大般涅槃經卷下 第三十三講

雲集軍陣猛威若戰鬪者理無兩全鋒刃既交必有傷害如來在世教人行慈而於今日忽相煞戮汝等不應怙恃舍利宜分諸國及離車等各於其界造立樂婆娑稱於世尊往昔之訓又使汝等普獲福利諸力士衆聞此語已心意解悟即答之言汝之所說實得於理聽如汝言彼婆羅門見力士衆皆悉解甲即便出城語諸王言汝今爲法何故與兵諸王答言我爲法故遠求舍利而見非逆不肯分與是以今者與兵共來時婆羅門復語王言我已相為和諸力士皆悉與汝舍利之分可取寶瓶為汝分之八王歡喜奉授金瓶彼婆羅門受諸金瓶持以還歸於高樓上而分舍利以與八王于時八王既得舍利踴躍頂戴還於本國各起樂婆娑彼婆羅門從諸力士七分舍利瓶自起樂婆娑諸力士等取其一分於閻維處合餘灰炭而起樂婆娑如是九起十處樂婆娑如來從始欲般涅槃及般涅槃後至於閻維起諸樂婆娑其事如是其後迦葉共於

大般涅槃經卷下 第三十四講

